

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՆՈՐԱԿԵՐՏ ՀԱՄԱՅՆՔԻ 2018
ԹՎԱԿԱՆԻ ՀՈՒՆՎԱՐԻ 18-ԻՆ ԿԱՅԱՑԱԾ ԺՈՂՈՎԻ

ՕՐԱԿԱՐԳ

ՆՈՐԱԿԵՐՏ ՀԱՄԱՅՆՔԻ ՂԵԿԱՎԱՐԻ ՀԱՇՎԵՏՎՈՒԹՅՈՒՆԸ ՀԱՄԱՅՆՔԱՊԵՏԱՐԱՆԻ
2017 ԹՎԱԿԱՆԻ ԸՆԹԱՑՔՈՒՄ ԾԱՎԱԼԱԾ ԳՈՐԾՈՒՆԵՌՈՒԹՅԱՆ ՎԵՐԱԲԵՐՅԱԼ

Ձեկ. Համայնքի ղեկավար Շ. Կարապետյան
Ժողովին մասնակցում էին 51 մարդ

Հայաստանի Հանրապետության Արմավիրի մարզի Նորակերտ համայնքի ղեկավար Շ. Կարապետյանը, ժողովի մասնակիցներին հակիրճ ներկայացրեց 2017 թվականի ընթացքում համայնքապետարանի կողմից համայնքի տարբեր ոլորտներում ծավալած գործունեությունը, անդրադարձավ տարիներ շարունակ լուծում պահանջող առկա հիմնախնդիրներին, վեր հանեց թերություններն ու բացթողումները:

Համայնքի ղեկավար Շ. Կարապետյանը հարկ համարեց նշել, որ տարբեր օբյեկտիվ և սուբյեկտիվ պատճառներով մեծ է չմշակվող հողատարածքների տեսակարար կշիռը, որը կազմում է շուրջ 90.0% հանգամանք, որը խիստ մտահոգիչ է և միաժամանակ դժվարացնում է սեփական եկամուտների հավաքագրման գործնաթացը: Համայնքի ղեկավարը նախ անդրադարձավ 2017 թվականի բյուջեի կատարման հիմնական ցուցանիշներին, որն ըստ առանձին եկամտատեսակների հետևյալ պատկերն է ներկայացնում:

Ց ՈՒ Ց Ա Ն Ի Շ Ն Ե Ր	Նախատեսված /հազ. դրամ/	Փաստացի / հազ. դրամ/	կատարման %-ը
Ընդամենը սեփական եկամուտներ՝ որից	13660.2	14743.3	107.9
Հողի հարկ	3750.0	4357.2	116.2
Գույքահարկ	8510.0	9225.6	108.4
Տեղական տուրքեր	443.0	544.8	123.0
Հողի վարձավճար	43.2	51.0	118.1

Նշվեց, որ ընթացիկ տարում գյուղատնտեսական մշակաբույսերին որոշակի վնաս հասցրեցին ցրտահարությունները և կարկտահարությունները:

Ներկա պահին ընդանում են «Ռոռզման համակարգերի արդիականացման» ծրագրի շրջանակներում «խոպան» կոչվող տարածքում ինքնահոս ջրագծերի անցկացման աշխատանքները, որը հնարավորություն կտա ոռոգել շուրջ 320.0 հա հողատարածք: Այնուհետև համայնքի ղեկավար Շ. Կարապետյանը հակիրճ կերպով անդրադարձավ 2017 թվականի ընթացքում համայնքապետարանի կողմից իրականացրած հիմնական աշխատանքներին:

1.Կանանց մեկամսյակի առթիվ միջոցառումների կազմակերպում համայնքապետարանի, դպրոցի և համայնքապետարանի ենթակայության տակ

գտնվող հիմնարկների կին աշխատակիցների համար հանդիսությունների կազմակերպումով:

2. Մասնակցություն և նվիրատվություն դպրոցում ուսումնական տարվա ընթացքում կազմակերպված տարբեր մասսայական միջոցառումներին /այբբենարանի հանդես, վերջին զանգ, ամանորի հանդես՝ տոնական նվերների բաժանումով և այլն/:

3. Համայնքի դպրոցի տարբեր դասարանների աշակերտների մեկօրյա հանգստի կազմակերպում Հանրապետության տարբեր տեսարժան վայրերում և մայրաքաղաքի մշակույթի օջախներում /տրանսպորտի տրամադրում/:

4. Ի ուրախություն համայնքի ազգաբնակչության համայնքի ղեկավարը նշեց, որ վերջապես իրականություն կդառնա «Նորակերտի մանկապարտեզ» ՀՈԱԿ-ի շենքի հիմնանորոգման իրականացումը, որի համար համայնքի ազգաբնակչության անունից խորին երախտագիտություն հայտնվեց Արմավիրի մարզպետարանի աշխատակիցներին և հատկապես մարզպետ Ա. Ղահրամանյանին, այդ գործում ջանքեր չխնայելու ծրագիրը իրականություն դարձնելու համար: Սակայն ոչ ճշգրիտ նախագծահետազոտական հաշվարկների պատճառով մոտ 11.0 մլն դրամի պակաս հաշվարկի հետևանքով ձգձգվում էր շենքի շահագործումը, այդ հարցը ևս լուծվել է և հույս կա որ ընթացիկ տարում կվերսկսի գործել նաև մանկապարտեզը:

4. Այնուհետև համայնքի ղեկավարը նշեց, որ չի կարող չանրադառնալ նաև այն փաստի վրա, որ վերջապես իրականություն կդառնա համայնքի սոցիալ տնտեսական հեռանկարային զարգացման համար խիստ կարևոր մի փաստաթղթի՝ գլխավոր հատակագծի ձեռք բերումը, որի ուղղությամբ աշխատանքները ավարտական փուլում են:

5. Վերջապես ամբողջությամբ հիմնանորոգվեց համայնքի մշակույթի տունը, որի շնորհիվ հնարավոր դարձավ կազմակերպել ամանորյա մի շարք մշակութային միջոցառումներ:

5. Օգնություն է ցուցաբերվել սոցիալապես անապահով մի շարք խավերի ինչպես դրամական այնպես էլ բուժման կարիքները հոգալու համար: Մի շարք ընտանիքների օգնություն է ցուցաբերվել հուղարկավորության սգո պարագաների ձեռք բերման համար: Շարունակական բնույթ են կրում համայնքի փողոցների բարեկարգման, փողոցային լուսավորության անցկացման, մշակույթի տան և մանկապարտեզի գույքի ձեռք բերման աշխատանքները:

6. Համայնքի մուտքի մոտ տեղադրվել է մեծադիր խաչ, որը գիշերը լուսարձակում է, մեծ հոգեկան բավարարվածություն պատճառելով համայնքի ազգաբնակչությանը:

7. Համայնքի միջոցներով հիմնանորոգվել է Երևան-Էջմիածին մայրուղուց համայնք տանող ճանապարհը:

8. Ամանորյա նվերներ են բաժանվել համայնքի դպրոցի 1-ից 4-րդ դասարանների աշակերտներին, համայնքի պարի և թատերական խմբի անդամներին և հաշմանդամություն ունեցող երեխաներին:

Այնուհետև համայնքի ղեկավարը նշեց, որ չնայած կատարված զգալի աշխատանքներին, այնուամենայնիվ համայնքում շատ են տարիներ շարունակ իրենց լուծմանն սպասող խնդիրները, դրանք են՝

ա/ Ոռոգման ջրագծերի մաշվածության բարձր աստիճանը

բ/ Դպրոցում մարզադահլիճի բացակայությունը

դ/ Համայնքի փոստային բաժանմունքի շենքի հիմնանորոգման խնդիրը

Ելույթ ունեցան նաև դպրոցի տնօրեն Ա. Վեգիրյանը, «Նորակերտի մանկապարտեզ» ՀՈԱԿ-ի տնօրեն Ս. Ասատրյանը, բուժ ամբուլատորիայի տնօրեն՝ բժշկուհի Հ. Աղախանյանը, որոնք իրենց խորին երախտագիտությունն արտահայտեցին համայնքապետարանի աշխատակազմին, հատկապես համայնքի

ղեկավար Շ. Կարապետյանին իրենց ղեկավարած ոլորտների հանդեպ ցուցաբերած ամենօրյա հոգատարության և նյութական ու բարոյական շարունակական աջակցության համար:

Վերջում համայնքի ղեկավար Շ. Կարապետյանը ժողովի մասնակիցներին հավաստիացրեց, որ այսուհետև ևս ավագանու, համայնքապետարանի աշխատակազմի և անձամբ իր կողմից հնարավոր ամեն ինչ կարվի համայնքի առջև ծառայած խնդիրները մշտապես ուշադրության կենտրոնում պահելու և հնարավորինս լուծում տալու համար:

Համայնքի ղեկավար՝  Շ. Կարապետյան

18-ը հունվարի 2018 թվական գ. Նորակերտ

